



Broj: 01-02-1- 221- 147  
Goražde, 30.09.2024.godine

Na osnovu člana 8. Zakona o ministarskim, vladinim i drugim imenovanjima F BiH ("Sl.novine F BiH", broj:12/03, 34/03 i 65/13), člana 2 Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br. 1/14) i člana 2. Rješenja o imenovanju Komisije za izbor predsjednika i članova reguliranih tijela Grada Goražda (u daljem tekstu: komisija) broj: 01-02-1-221 od 20.1.2021.godine, Komisija, u ime Gradskog vijeća Grada Goražda, raspisuje

### JAVNI OGLAS

#### za izbor i imenovanje članova Skupštine i Nadzornog odbora JKP „6.Mart“ doo Goražde i Upravnog odbora JU Dom zdravlja „dr.Isak samokovlija“ Goražde

I Raspisuje se Javni oglas za izbor i imenovanje članova skupštine i nadzornog odbora JKP „6.Mart“ d.o.o. Goražde i Upravnog odbora JU Dom zdravlja „dr.Isak Samokovlija“ Goražde, kako slijedi:

1. Skupština JKP „6. MART“ d.o.o. Goražde ..... 2 člana
2. Nadzorni odbor JKP „6. MART“ d.o.o. Goražde ..... 1 član
3. Upravni odbor JU Dom zdravlja „dr.Isak Samokovlija“ Goražde ..... 1 član iz reda stručnih radnika zdravstvene ustanove

#### Nadležnosti skupštine:

Skupština preduzeća donosi Statut, izmjene i dopune Statuta; Etički kodeks preduzeća. Odlučuje o povećanju i smanjenju osnovnog kapitala, uz prethodnu saglasnost osnivača. Usvaja godišnji izvještaj preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju. Odlučuje o rasporedu dobiti, o načinu pokrića gubitaka, o spajanju s drugim društvima i pripajanju drugih društava Preduzeću, uz saglasnost osnivača. Odlučuje o promjeni oblika i podjeli Preduzeća, uz saglasnost osnivača. Odlučuje o prestanku preduzeća sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije, uz saglasnost osnivača. Odobrava kupovinu, prodaju, zamjenu, uzimanje i davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine preduzeća, po bilansu stanja na kraju prethodne godine na prijedlog Uprave i Nadzornog odbora. Odlučuje o izboru i razrješenju članova Nadzornog odbora pojedinačno. Donosi odluku o izboru i imenuje članove Odbora za reviziju, na prijedlog Nadzornog odbora. Odlučuje o osnivanju, reorganizaciji i likvidaciji povezanih društava i odobravanju njihovih statuta, uz saglasnost osnivača. Odlučuje o naknadama članovima Nadzornog odbora i Odbora za reviziju; odlučuje o poslovanju o radu Skupštine, Nadzornog odbora i Odbora za reviziju, na prijedlog Nadzornog odbora. Donosi odluku o trogodišnjem, godišnjem i revidiranom planu poslovanja. Odlučuje o ostvarivanju zahtjeva preduzeća prema članovima Uprave i Nadzornog odbora u vezi sa naknadom štete nastale pri osnivanju, kupovini ili vođenju poslovanja Preduzeća, izuzimanju stalnih sredstava u privrednim društvima. Podnosi izvještaj o radu i poslovanju preduzeća Gradskom vijeću najmanje jednom godišnje. Odlučuje o zastupanju preduzeća u sudskim postupcima koji se vode protiv članova Uprave društva ili eventualnim postupcima protiv članova drugih organa preduzeća. Odlučuje o drugim pitanjima utvrđenim zakonom i Statutom.

### **Nadležnosti Nadzornog odbora:**

Upravni odbor nadzire poslovanje preduzeća, usvaja poslovne strategije društva i planove poslovanja; nadzire rad uprave, te odobrava odluke strateškog karaktera; bira upravu; priprema poslovničke i predlaže ih skupštini; predlaže skupštini donošenje, izmjene i dopune Statuta i Etičkog kodeksa; vrši izbor kandidata odbora za reviziju i podnosi prijedlog za njegovo imenovanje skupštini; razmatra provedbeni propis za postupak nabavki i nadzire njegovo provođenje; predlaže raspodjelu i način upotrebe dobiti; predlaže način pokrivanja gubitaka; imenuje i razrješava članove uprave u skladu sa postupcima utvrđenim u poslovniku, odnosno poslovnici, te važećim propisima; daje ovlaštenja za aktivnosti, koje su ograničene propisima Zakona o javnim preduzećima; daje upute direktoru za provođenje preporuka u vezi sa uočenim nepravilnostima; odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava, u toku poslovne godine u obimu od 15 % do 33% knjigovodstvene vrijednosti ukupne imovine Preduzeća po bilansu stanja na kraju prethodne godine; podnosi skupštini godišnji izvještaj o poslovanju preduzeća koji obavezno uključuje: izvještaj vanjskog revizora, Izvještaj o radu nadzornog odbora i odbora za reviziju i plan poslovanja za narednu poslovnu godinu u okvirima postojećeg plana i revidiranog plana; utvrđuje prijedlog trogodišnjeg, godišnjeg i revidiranog plana poslovanja; podnosi zahtjev za sazivanje skupštine preduzeća; nadzire upravu u provođenju preporuka datih od strane odbora za reviziju, te vanjskog revizora sa specificiranim rokovima; prati poslovanje i zakonitost poslovanja preduzeća; redovno izvještavanje skupštine preduzeća o svom radu; daje instrukcije organima preduzeća radi otklanjanja nepravilnosti u radu; prisustvuje sjednicama skupštine preduzeća i učestvuje u raspravi bez prava glasa; vrši pregled poslovnih knjiga i dokumentacije preduzeća; razmatra mjesečne izvještaje o radu odbora za reviziju; donosi cjenovnik komunalnih usluga za vodu i odvoz smeća, uz saglasnost nadležnog gradskog organa; odlučuje o cijenama komunalnih usluga, koje se u skladu sa važećim zakonskim i drugim propisima iz komunalne djelatnosti, donose bez saglasnosti nadležnog općinskog organa; donosi pravilnike i druge opće akte, kojima se na opći način određuju pitanja i odnosi u preduzeću, a koja nisu u nadležnosti skupštine preduzeća; vrši druge poslove predviđene zakonom. usvaja izvještaj uprave po polugodišnjem i godišnjem obračunu sa bilansom stanja i bilansom uspjeha i izvještajem revizije;

### **Nadležnosti Upravnog odbora:**

Upravni odbor donosi pravila ustanove; imenuje i razrješava direktora odnosno v.d. direktora ustanove; utvrđuje planove rada i razvoja ustanove; utvrđuje godišnji program rada; donosi finansijski plan i usvaja godišnji obračun; donosi opšti akt o unutrašnjem uređenju i sistematizaciji poslova i druge opšte akte, u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove; rješava sva pitanja odnosa s osnivačem; odlučuje o korišćenju sredstava preko iznosa utvrđenog pravilima ustanove; odgovara osnivaču za rezultate rada ustanove; odlučuje o prigovoru radnika ustanove na rješenje kojim je drugi organ određen pravilima ustanove odlučio o pravu, obavezama i odgovornostima radnika iz radnog odnosa; podnosi osnivaču najmanje jedanput godišnje izvještaj o poslovanju ustanove, te izvještaj o svom radu; bira i razrješava članove stalnih i povremenih radnih tijela ustanove; obavlja i druge poslove u skladu sa zakonom i pravilima ustanove;

### **II Mandat**

Članovi Skupštine i Nadzornog odbora JKP 6.Mart d.o.o. Goražde, i Upravnog odbora JU Dom zdravlja „dr.Isak Samokovlija“ Goražde, imenuju se na period do isteka mandata ostalih članova Skupštine, nadzornog odbora i Upravnog odbora.

### **III- Uslovi za imenovanje**

Kandidati za imenovanje na tražene pozicije moraju ispunjavati opće i posebne uslove, kako slijedi:

### **OPĆI USLOVI:**

1. Da su državljani Bosne i Hercegovine,
2. Da su stariji od 18 godina,
3. Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
5. Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oprostene kazne,
6. Da im odlukom suda nije zabranjeno obavljanje aktivnosti na poziciji za koju se kandiduju,
7. Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH,
8. Da nisu u sukobu interesa u smislu Zakona o javnim preduzećima FBiH ili po bilo kojem drugom osnovu,
9. Da nemaju privatni finansijski interes u reguliranom tijelu za koji se kandiduju,
10. Da nisu stariji od 65 godina na dan imenovanja.

### **POSEBNI USLOVI :**

- Da imaju visoku, višu ili srednju stručnu spremu,
- Da imaju najmanje 3 godine radnog iskustva u struci nakon sticanja visoke, više ili srednje stručne spreme,
- Da nisu predsjednici ili članovi u nekom od reguliranih tijela na području Grada Goražda
- Da posjeduju komunikacijske i organizacijske sposobnosti.

### **POTREBNI DOKUMENTI**

- a) Potpisana prijava na Javni oglas sa kraćom biografijom, adresom i kontakt telefonom,
- b) Izvod iz matične knjige državljana, ne stariji od 6 mjeseci ili ovjerena kopija CIPS-ove lične karte,
- c) Izjava ovjerena od nadležnog organa gradske uprave ili notara da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) Izjava ovjerena od nadležnog organa gradske uprave ili notara, da se na njih ne odnosi član IX.1.Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),
- e) Uvjerenje nadležnog Kantonalnog/ Općinskog suda da nisu osuđivani za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršne, zastarjele ili oprostene kazne; (ne starije od 3 mjeseca),
- f) Uvjerenje nadležnog Kantonalnog/ Općinskog suda da im odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca),
- g) Izjava ovjerena od nadležnog organa gradske uprave ili notara da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u insitucijama vlasti BIH i Zakona o sukobu interesa u insitucijama vlasti FBiH, da nisu u sukobu interesa u smislu Zakona o javnim preduzećima FBiH ili po bilo kojem drugom osnovu,
- h) Izjava ovjerena od nadležnog organa gradske uprave ili notara, da nemaju privatni finansijski interes u reguliranom tijelu za koji se kandiduju, (ne starija od 3 mjeseca)
- i) Ovjerena kopija diplome,
- j) Uvjerenje o radnom iskustvu u struci nakon sticanja visoke, više ili srednje stručne spreme;
- k) Izjava ovjerena kod nadležnog organa gradske uprave ili notara, da nisu predsjednici ili članovi u nekom od reguliranih tijela na području Grada Goražda (ne starija od 3 mjeseca)
- l) Potvrda poslodavca da je kandidat zaposlen u JU Dom zdravlja „dr.Isak Samokovlija“ Goražde;  
**Napomena:** dokaz pod tačkom l) se ne odnosi na kandidate za člana skupštine nadzornog odbora JKP „6.Mart“ doo Goražde

Kandidati koji uđu u uži izbor, biće pozvani na intervju. Na intervjuu članovi komisije će obaviti razgovor sa kandidatima, a također kandidati će raditi pismeni test iz oblasti organizacije i nadležnosti skupštine i javnih preduzeća, odnosno nadzornog odbora i javnih preduzeća, a kandidati za mjesto člana upravnog odbora iz oblasti organizacije i nadležnosti upravnog odbora i javnih ustanova.

Komisija za izbor može zahtjevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatima.

Članove skupštine i upravnog odbora imenuje i razrješava Gradsko vijeće Grada Goražda, a članove nadzornog odbora imenuje skupština javnog preduzeća.

**Javni oglas ostaje otvoren 15 dana od dana objavljivanja u dnevnom listu "Dnevni avaz".**

Prijavu sa traženom dokumentacijom dostaviti Komisiji za izbor predsjednika i članova reguliranih tijela Grada Goražda, lično na protokol Grada Goražda ili preporučeno putem pošte ( Ul.Maršala Tita 2 Goražde) u zatvorenoj koverti sa naznakom:

PRIJAVA NA JAVNI OGLAS ZA IZBOR I IMENOVANJE ČLANOVA SKUPŠTINE JKP „6.Mart“ Goražde – NE OTVARATI

PRIJAVA NA JAVNI OGLAS ZA IZBOR I IMENOVANJE ČLANOVA NADZORNOG ODBORA JKP „6.Mart“ Goražde – NE OTVARATI

PRIJAVA NA JAVNI OGLAS ZA IZBOR I IMENOVANJE ČLANOVA UPRAVNOG ODBORA JU Dom zdravlja „dr.Isak Samokovlija Goražde– NE OTVARATI

Neblagovremene ili nepotpune prijave neće biti uzete u razmatranje.

DOSTAVLJENO:

Komisija za izbor predsjednika i članova reguliranih tijela Grada Goražda

1. Službene novine Grada Goražda,
2. „Dnevni avaz”,
3. RTV BPK Goražde,
4. JKP „6.Mart“ d.o. Goražde
5. JU Dom zdravlja „dr.Isak Samokovlija“ Goražde,
6. Predsjedavajući Gradskog vijeća Grada Goražda,
7. Gradonačelnik Grada Goražda,
8. Oglasna tabla Grada Goražda,
9. Web stranica Grada Goražda,
10. U dosije,
11. a/a